



UNIVERSITÄTS-
BIBLIOTHEK
PADERBORN

Universitätsbibliothek Paderborn

Chronicon Cisterciensis Ordinis

Le Mire, Aubert

Coloniae Agrippinae, 1614

Ordo Equitvm S. Mavritii, & S. Lazari, in Sabaudia.

urn:nbn:de:hbz:466:1-11259

Cistertiensi, supremus visitator & Pater Abbas huic monasterio datus est V. P. *Marcus Cruyt*, Abbas monasterij S. Bernardi ad Scaldim flu. apud Antuerpiam; qui vt alter quasi fundator annuos census non exiguos monialibus in perpetuum alendis adsignauit. Hæc ex ipsis loci monumentis sunt desumpta.

Est autem cœnobium istud in pede veteris castris Louaniensis situm, ideoque *Subcastrense* vulgò nuncupatur. De quo sic I. Lipsius in suo Louanio: *Subcastrensibus* (vt vocantur, monialibus conditor *Gualterus Timpius*, vir nobilis: & accessit in partem *Catharina Opendorpia*, Vidua *Ioannis Blosij*, Equitis an. CIO. IO. XV III.

Anno 1557. *Tristandus Bizetus* ex monacho ord. Cistertiensis, fit Episcopus Sanctonensis in Gallia.

ORDO EQVITVM S. MAVRITII,
& S. Lazari, in Sabaudia.

HVNC ordinem militare à *S. Basilio Cæsariensi* Episcopo institutum, & à *Damaso* Papa I. auctum esse tradunt: testemque aduocant *Gregorium Nazianzenum*, qui eiusdem Basilij res gestas ad posteritatem transmisit. Illius sanè militiæ antiquitatem vetusta *S. Lazari* Xenodochia siue Hospitalia contestantur.

Eandem *Innocentius III.* *Honorius III.*

T

Gre

Gregorius IX. & alij Pontifices Maximi comprobarunt. Innocentius IV. præscripsit ipsis rationem eligendi Magistrum generalem, aliam ab ista, quam olim obseruarant. Alexander IV. professionem regulæ *Augustiniana*, ab ipsis emitti solitam, non solum laudauit, sed & prædia eisdem in Sicilia, Calabria, Apulia, Campania, alijsque Italię locis à Frederico Barbarossa Imp. concessa, suo diplomate stabiliiuit. Sicuti deinde Põtifices Nicolaus IV. Clemens IV. Ioannes XXII. Gregorius X. Paulus II. Urbanus II. Leo X. & alij varijs priuilegijs equestrem hunc ordinem honorarunt. At temporum, vt fit, iniuria, cum præclarum istud institutum poenè concidisset, *Pius IV.* Pontif. Maxim. anno 1565. reuocauit, *Iannotio Castillonio*, viro nobili Mediolanensi, Magistro generali creato. Quo quidem Ver-
 1572. cellis anno 1572. defuncto *Gregorius XIII.* Pontif. Maxi. *Emmanueli Philiberto*, Subaudiæ Duci, Magisterium, summamque illius ordinis præfecturam detulit. Is Niceæ & Taurini bina domicilia excipiendis Equitibus, à fundamentis excitauit, multaque præclarè constituit.

Cæterum *Gregorius XIII.* militiam *S. Mauritij* (quem vt Diuum tutelarem ac præsidem *Allobroges* venerantur) cum ista *Sancti Lazari* coniunxit, & *Cisterciensem* regulam

gulam Equitibus seruandam proposuit: ad hanc loco *viridis crucis*, olim nudè gestari solitæ, alteram *crucem candidam*, clypei medio, pro tessera adiecit. Dictaque exinde militia *Equitum Sancti Mauriti & S. Lazari*. Hæc & alia plura Paulus Morigia Mediolanensis, ex ordine Iesuatorum S. Hieronymi, commemorat, libro 3. originum Monasticorum, cap. 7.

Hieronymus Socherius, Gallus, ord. Cisterciensis, Theologiæ & virtutis laude clarissimus, eam doctrinæ & sanctitatis famam apud omnes obtinuit, vt summis Principibus carus semper fuerit. Cuius opera atque consilio Henricus II. Franciscus II. & Carolus IX. Gallorum Reges vsq; solers hominis ingenium sapientiamq; singularem admirabantur. Hic Abbas Clarauallensis creatus, ad Concilium Tridentinum profectus, plenas religionis ardore, & eruditione sententias protulit; vndè maior illi nominis opinio parta, novos honorum titulos cumulauit. Hinc sui ordinis Magister generalis, summusque moderator electus, hunc magistratum a deo prudenter gessit, eoque pietatis studio cuncta gubernauit, vt minimè expectata, nedum quæsitâ purpura, ei vltro à Pio Papa Quinto delata fuerit. Sed incredibilem modestiæ vir, nullaq; prorsus honorum cupiditate accensus, amplissimam purpuræ digni-

Hier. Socher? Cardinalis.

dignitatem vt acciperet, Pontificis iussu, & amicorum precibus vix tandem adductus fuit. Ergo Presbyt. Cardinalis tit. S. Matthæi in Merulana anno 1568. insignitus, Romam veniens, in perpetuaque illa continentissimi animi tranquillitate conquiescens, quam singulari magnitudine contempsit gloriam, cumulo laudis amplissimo consecutus, obiit Romæ anno Christi 1571. ætatis 63. x. Kal. Nouemb. & in Ecclesia S. Crucis in Hierusalem, marmorea sepulchro à monachis Claravallensibus ornatus fuit; hac inscriptione addita:

Donno Hieronymo Socherio, Aruerni, Parisiensi Theologo præstantissimo: qui Henrico II. Francisco II. & Carolo IX. Gallorum Regibus, Cardinali Carolo Lotharingo, bonæq; omnibus eximiè caro, Claravallis Abbati, in Tridentina Synodo sententias doctrinæ, pietatis, ac prudentiæ plenissimas dixit: inde Cistertij electus Abbas, ipsiusque Ordinis Generalis, à Pio V. Pontifice Max. delatam absentis Cardinalatus dignitatem vt acciperet vix adduci potuit, deinde in Urbem accitus, singulari opum atque gloriæ contemptu, & vitæ moderatione, omnibus admirationi fuit, vixitque annos 63. obiit X. Kalend. Nouemb. 1571. Monachi Claravallenses poni curarunt.

1572.

Anno millesimo quingentesimo septuagesimo secundo, occisus est ab hereticis Cornelius Poldermans, religiosus S. Saluatoris Ant-

Antvverpiensis, rector monasterij in Ziri-
zæa opido Zelandiæ.

CONGREGATIO FULIENSIVM
*monachorum, instituti Cisterciensis re-
formati, vulgò Sueilhans.*

SExcenta amplius eaque illustria in re-
gno Galliæ sunt monasteria, Abbatiali
dignitate illustria. Sed vnum hoc in primis
omnes boni deplorant, pleraque non regu-
lares, sed Commendatarios, vt vocant Ab-
bates habere. Quo fit, vt non modò rigor
disciplinæ monasticæ solvatur, sed & prædia
ac vectigalia annua paulatim diminuuntur,
ac pereunt. Exstat ea de re insignis libellus
monitorius Ioannis Filefaci, Theologi Pari-
siensis, nobis amicissimi, quem *Ecclesia Gallic-
cana veteris (adde, & noua) Querelam* inscri-
psit.

Cæterùm Abbates inter Commendata-
rios nostra ætate fuit & Ioannes Barrerius,
Gallicè *de la Barriere*, vir nobili genere na-
tus: cui quidem cùm Abbatia Fulienfis, in-
stituti Cisterciensis in diocesi Riuenfi, pro-
uinciæ Tolosanæ, sita, in Commendam, vt
vocant, esset collata, animum reuocans, cœ-
pit de monastica vita amplectenda serio co-
gitare. Itaq; ex Commendatario factus Ab-
bas regularis, suos primùm sodales ac mona-
chos ad veteris disciplinæ obseruantiam, ex-